

2  
V. 16

IOANNES COLETVS DECANVS SANCTI  
PAVLI GVLIELMO LILIO, AD DI-  
VVM PAVLVM LVDI MODE-  
RATORI PRIMARIO. S. D.



AVD aliter mihi uideor affectus in nouā hanc Scholam nostrā, Lili charissime, quā in unicum filium pater, in quem non solū gaudet uniuersam suam substātiā transfundere, uerum etiam sua uiscera, si liceat, cupit impartiri. Nam, ut huic est parum genuisse, nisi eundem diligenti educatione ad bonā frugem prouexerit, ita meo animo non satis est, quod ludum hunc institui, hoc est, genui, quodq; insumpto patrimonio uniuerso, uiuus etiam ac superstes solidam hæreditatem cessi, nisi modis omnibus dem operam, ut pijs moribus & bonis literis diligenter educatus, ad maturam frugem adolescat. Proinde libellum hunc, de constructione octo partium orationis, ad te mitto, pusillum quidem, sed non pusillum utilitatis allaturum nostræ publi, si diligenter abs te fuerit traditus. Scis in præceptis breuitatem placere Flacco, cuius sententiam & ipse uehementer approbo. Porro, si qua præterea erūt digna cognitu, tuarum partium erit, ut incident, in prælegendis autoribus adnotare.

Bene Vale. Domi nostræ.  
M. D. XIII.